



# Kejayaan DI GENEVA



Oleh: Nor Innar Md Nor  
Pegawai Tadbir

Sebanyak empat projek penyelidikan UniMAP telah menyertai 35th International Exhibition Of Inventions Geneva bermula 18 hingga 22 April 2007. Kesemua projek penyelidikan tersebut telah menempa kejayaan 100% yang merangkumi 1 emas, 1 perak dan 2 gangsa.

Pada pertandingan tersebut, Dekan PPKAS, Dr. Khairul Nizar Ismail telah memenangi pingat emas melalui projek penyelidikannya 'The Production Of Lightweight Aggregates From Local Waste'. Keputusan penuh pertandingan tersebut telah diumumkan pada 20 April 2007. Pingat perak dimenangi oleh Prof. Madya Zaliman Sauli dari PPK Mikroelektronik menerusi projek 'Microeletromechanical System (MEMS) Heatuator'. Dua pingat gangsa pula dimenangi oleh Prof. Madya Che Mohd Ruzaidi Ghazali menerusi 'UniMAP Impreg Wood' dan Encik Mazlee Mohd Noor menerusi projek 'Recycled Aluminium Composite Pulley'. Kedua-duanya adalah dari PPK Bahan.

Selain daripada dapat berinteraksi dengan industri dan penyelidik dari luar negara, projek penyelidikan UniMAP turut menarik perhatian Duta Malaysia di Switzerland dan Ketua Setiausaha Kementerian Pengajian Tinggi Malaysia, Dato' Zulkifli A. Hassan yang turut meluang masa melawat pameran yang diadakan. Tahniah diucapkan kepada Dr. Khairul Nizar di atas kemenangan tersebut yang menjadi inspirasi kepada para penyelidik PPKAS khususnya dan UniMAP secara amnya.

